



ՍՈՒՐԲ ՉԱԿՈԲ

ԱՌԱՋՆՈՐԴԱՆԻՍՏ ՄԱՅՐ Ը ԿԵՂԵՑԻ

Խաջերաքչին Ետք Զորբորդ Կրուսի

15 ՀՈԿՏԵՄԲԵՐ 2023

Կիրակնօրեայ Ընթերցումներ	Էջ 1
Ծանուցումներ	Էջ 2

ԸՆԹԵՐՑՈՒՄ ԵՍԱՅԻ ՄԱՐԳԱՐԵՒ ԳՐՔԵՆ (19.1-11)

Ահա Տէրը թեթեւազնաց ամպի վրայ նստած եգիպտոս պիտի գայ: Անոր դիմաց եգիպտոսի կուռքերը պիտի դողան, եգիպտացիներու սիրտը պիտի հալի: Եգիպտացիները եգիպտացիներուն դէմ պիտի ելլեն, եղբայրը եղբօր դէմ պիտի պատերազմի եւ ընկերը՝ իր ընկերոջ դէմ, քաղաքը քաղաքի դէմ եւ թագաւորներ թագաւորներու դէմ: Եգիպտացիներ իրենց հոգեկան կորովը պիտի կորսնցնեն, որովհետեւ անոնց ծրագիրները պիտի խառնեմ, ուստի անոնք խորհուրդ պիտի ուզեն իրենց աստուածներէն ու կուռքերէն, ոգեհարցներէն ու վհուկներէն: Խստասիրտ տէրերու ձեռքը պիտի մատնեմ զիրենք, անգութ թագաւորներ պիտի տիրեն անոնց, - կ'ըսէ երկնային Զօրքերու Տէրը: Եգիպտացիներ գետափեայ ջրակոյտերէն պիտի խմեն իրենց ջուրը, որովհետեւ Նեղոսը պիտի նուազի ու ցամքի: Նեղոսէն բացուած առուները պիտի ճաշճանան եւ ամբողջ գետը պիտի ցամքի. բոլոր մարգագետինները, եղէդնուտներն ու պրտուի շամբուտները եւ մամուռով պատուած մարգագետինները պիտի չորնան: Նեղոսի շուրջը աճած ամէն կանաչութիւն, եւ գետեղին մշակուած բոլոր արտերը խորչակահար պիտի չորնան: Նեղոսի ձկնորսներն ու բոլոր կարթընկէցները պիտի տրտմին ու հեծեն, ցանցորդներն ու ուռկանաւորները սուգ պիտի ընեն: Նրբահիւս կտաւագործները ու բեհեղ գործողները պիտի անձրկին, բոլոր վարպետ արհեստաւորները եւ գարեջրագործները պիտի տրտմին եւ յուսալքուին: Արդարեւ յիմար են Տայանիսի իշխանները, փարաւոնին իմաստուն կոչուած խորհրդականները, որոնք յիմար խորհուրդներ կու տան:

ՊՈՂՈՍ ԱՌԱՔԵՍԼԻ
ԳԱՂԱՏԱՑԻՆԵՐՈՒՆ ԳՐԱԾ
ՆԱՄԱԿԻՆ
(2.1-10)

Այնուհետեւ, տասնըշորս տարի ետք կրկին երուսաղէմ գացի Բառնաբասին հետ, Տիտոսն ալ միասին առնելով: Գացի, որովհետեւ Աստուած յայտնեց որ երթամ: Այնտեղ երուսաղէմի եկեղեցին զեկոյց տուի հեթանոսներուն մէջ կատարած քարոզութեանս մասին: Առանձնաբար զեկոյց տուի նաեւ եկեղեցւոյ զեկավարներուն, որպէսզի իմ ուղղութեանս մասին իրենց հաւանութիւնը ունենամ, եւ զուր տեղ աշխատած չըլլամ եւ չաշխատիմ: Անոնք բնաւ չստիպեցին որ թլփատուի ինծի ընկերացող Տիտոսը, որ հեթանոսութենէ կու գար: Թլփատութիւն պահանջողները քանի մը կեղծ քրիստոնեաներ էին, որոնք հաւատացեալներու շարքերուն մէջ սպրդած էին՝ թիսուս Քրիստոսով մեր ունեցած ազատութիւնը լրտեսելու եւ մեզ Մովսիսական օրէնքներու ծառայութեան մէջ պահելու համար: Բայց վայրկեան մը իսկ տեղի չտուինք անոնց, որպէսզի վստահ ըլլաք թէ ճշմարիտ էր ինչ որ ձեզի քարոզեցինք:

Գալով անոնց որոնք եկեղեցւոյ զեկավարները կը համարուէին, ինծի համար բնաւ կարեւորութիւն չունի թէ անցեալին ի՞նչ եղած են անոնք: Աստուած մարգոց միջեւ խտրութիւն չի գներ: Արդ, զեկավար համարուած այդ առաքելները ուեւէ նոր բան չըսին ինծի այդ մասին: Ընդհակառակը, երբ տեսան թէ Աստուած ինծի վստահած է հեթանոսներու քարոզութիւնը - որովհետեւ Աստուած ինչպէս Պետրոսի առաքելութիւնը յաջողցուց հրեաներուն մէջ, նոյնպէս ալ իմ առաքելութիւնս յաջողցուց հեթանոսներուն մէջ - , այն ատեն Յակոբոս, կեփաս եւ Յովհաննէս, որոնք եկեղեցւոյ

Աստուած
մարդոց միջեւ
խտրութիւն չի
դներ:

սիւները կը համարուէին, ճանչցան Աստուծմէ ինծի տրուած շնորհքը, իմ եւ Բառնաբասի ձեռքը թօթուելով հաւանութիւն տուին որ մենք հեթանոսներուն մէջ աշխատինք, իսկ իրենք՝ հրեաներուն։ Միայն խնդրեցին որ Երուսաղէմի աղքատներուն օգնել չմոռնանք. բան մը, որուն Համար ես սրտանց աշխատեցայ։

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԵՆ
ԸՍ ՄԱՐԿՈՍԻ
(12.35-44)**

Յիսուս տաճարին մէջ ուսուցանելու ընթացքին հարցուց ժողովուրդին. «Օրէնքի ուսուցիչները ինչպէ՞ս կրնան ըսել թէ Քրիստոս, խոստացուած Փրկիչը, Դաւիթի սերունդէն է, երբ Դաւիթ ինք Սուրբ Հոգիով ներշնչուած կ'ըսէ։

“Տէրը ըսաւ իմ Տիրոջս.-

ազ կողմս նստէ,

մինչեւ թշնամիներդ ոտքերուդ տակ դնեմ որպէս պատուանդան”։

«Եթէ Դաւիթ զայն Տէր կը կոչէ, ինչպէ՞ս ուրեմն Քրիստոս անոր որդին է»։

Ժողովուրդը հաճոյքով մտիկ կ'ընէր Յիսուսի, որ իր ուսուցումները շարունակելով կ'ըսէր. «Զգո՛յշ եղէք օրէնքի ուսուցիչներէն որոնք կը սիրեն փառաւոր զգեստներով շրջիւ, հրապարակներու վրայ մարդոցմէ յարգալիր բարեւներ ընդունիլ, ժողովարաններու մէջ առաջին աթոռները գրաւել եւ ընթրիքներու ընթացքին՝ պատուոյ տեղերը։ Մէկ կողմէ այրիներուն տուները անոնց ձեռքէն կը յափշտակեն, իսկ միւս կողմէ կեղծաւորութեամբ իրենց աղօթքը կ'երկարեն։ Ասոր Համար աւելի խիստ դատապարտութիւն պիտի ընդունին»։

Յիսուս կեցած էր տաճարի գանձանակին մօտ եւ կը դիտէր ժողովուրդը, որ դրամ կը նետէր գանձանակին մէջ։ Շատ մը հարուստներ մեծ գումարներ նետեցին։ Աղքատ այրի մըն ալ եկաւ եւ նետեց երկու լումայ, որ հինգ դահեկան կ'ընէ։ Յիսուս մօտը կանչեց իր աշակերտները եւ ըսաւ անոնց. «Վստա՛՛ դիտցէք, որ այս թշուառ այրին բոլորէն շատ դրամ նետած եղաւ գանձանակին մէջ, որովհետեւ միւսները իրենց աւելորդ գումարներէն նետեցին, մինչ անիկա, Հակառակ չքաւոր ըլլալուն, ինչ որ ունէր՝ նետեց, իր ամբո՛ղջ ապրուստը»։

**Հոգեւագաւուն
ԶԵՐ ԱՐՁԱՆԱԳՐՈՒԹԻՒՆՆԵՐԸ
ԱԼԽՈՐՕՔ ԿԱՏԱՐԵՑԵՔ ԿԱՊՈՒԵԼՈՎ
ԵԿԵՂԵՑԻ ԳՐԱԿԱՆԵԱԿ՝
514 331 5445 x202 ԹԵՒՆ**

**Սոյս թերթիւն
Հարաթական Հերթականութեամբ
Ե-ԱՎԱԾԿՈՎ ԱՏՎԱՋԼՈՒ ՀԱՄԱՐ ԳՐԵՑԵՔ
eglise@sourphagop.net Ե-ՀԱՍՏԵՐՆ։**

**Այժեկեթէ՛ք Եկեղեցիոյ
ԴԻՄԱՏԵՏՐԻ ԷԶԸ
ԵՒ ԶԵՐ ՀԱԽԱՆՈՒԹԻՒՆ յԱՅՏԱԵՑԵՔ
(like).
www.facebook.com/SourpHagopChurchMontreal**

**Այժեկեթէ՛ք
Ս. Յակոբ Առաքորդական Մայր
Եկեղեցի Կայքը՝
www.sourphagop.net**

**Այժեկեթէ՛ք
Ս. Յակոբ Առաքորդական Մայր
Եկեղեցի YouTube Կայան՝
ՓԱՏՈՒԼՈՎ
Sourp Hagop Armenian Church**